

### **Savez računovođa, revizora i finansijskih radnika FBiH primljen u IFAC**

Savez računovođa, revizora i finansijskih radnika Federacije Bosne i Hercegovine je ispunio sve neophodne standarde za uključivanje u rad Međunarodne asocijacije računovođa (IFAC - *International Federation of Accountants*). To je jednoglasno potvrđeno na zasjedanju IFAC-ovog Savjeta 05. 11. 2010. godine u Kuala Lumpuru, Malezija.

Ovo je, nesumnjivo, jedan od najvažnijih događaja i za SRRiF-FBiH i za njegove članove - pripadnike računovodstvene i revizijske profesije u Federaciji BiH. Osim potvrđenog međunarodnog kredibiliteta, članstvo Saveza u okviru IFAC-a je i priznanje za dugogodišnji rad Saveza i njegovih članova na razvoju računovodstvene struke.

Uključivanjem u rad IFAC-a otvara se mogućnost da aktivno radimo na daljem unapređenju struke, zajedno sa 163 profesionalna tijela iz 125 zemalja, koji predstavljaju preko 2,500.000 profesionalnih računovođa.

Nakon što je Savez kao profesionalno tijelo uspješno ispunio obaveze koje IFAC kao međunarodna asocijacija zahtjeva od svojih članova, tokom sastanka Savjeta dogovoreni su i dalji koraci kako u smjeru unaprjeđenja rada Saveza, tako i u smjeru što jače afirmacije profesije u FBiH. Članovi IFAC-ovih komiteta su, također, iskazali svoju neupitnu podršku daljim nastojanjima Saveza da se još aktivnije i odgovornije razvijaju visoki zahtjevi struke, koja ne prestaju sa postignutim.

U partnerstvu sa IFAC-om, računovodstvena profesija ulazi u Novu godinu za koju se nadamo da će svima donijeti pozitivne promjene.



*Ian Ball - izvršni direktor IFAC-a, Jelana Misita-član Upravnog odbora Saveza i Robert L. Bunting - predsjednik IFAC-a*

## 18. Svjetski kongres računovođa

Kuala Lumpur, Malezija

08. - 11. XI. 2010.

U suradnji sa Malezijskim institutom za računovodstvo, IFAC je u periodu od 08. do 11. XI. 2010. organizirao 18. Svjetski kongres računovođa.

Ovogodišnjem Kongresu je prisustvovalo preko 6.000 učesnika iz 132 zemlje. Osim predstavnika računovodstvene i revizorske struke, učestvovali su i predstavnici brojnih međunarodnih organizacija, vlada, akademske zajednice, poslovnih subjekata te drugi relevantni teoretičari i praktičari finansijske profesije uopšte.

Okvirna tema skupa bila je *Očuvanje stvorene vrijednosti*. Tokom četiri plenarne sesije i 35 odvojenih sesija izlagalo je 195 uglednih stručnjaka iz 42 zemlje, a aktuelne teme o kojima se razgovaralo su date u nastavku.

Na zasjedanju Savjeta IFAC-a koje je održano tom prilikom, funkciju novog predsjednika Asocijacije u narednom dvogodišnjem mandatu preuzeo je Göran Tidström.

Plenarna sesija	Računovođe: Očuvanje stvorene vrijednosti u slobodnoj ekonomiji
	Islamske finansije: Jačanje globalnog finansijskog tržišta
	Računovodstvo za održivost: Integrirani okvir izvještavanja
	Računovođe u sljedećem desetljeću - Prihvatanje promjena i korištenje prilika
Paralelne sesije	Međunarodni standard finansijskog izvještavanja (MSFI) za mala i srednja preduzeća (MSP)
	Globalni razvoj profesije: Vodeća snaga IFAC-a
	Upravljanje ljudskim potencijalima: Nukleus korporativnog upravljanja
	Prilagođavanje Međunarodnih standarda finansijskog izvještavanja (MSFI): Put prema naprijed
	Korporativno izvještavanje za poslovno izvještavanje: Put prema naprijed
	Jačanje računovodstvene profesije u zemljama u razvoju
	Računovodstveni tehničari - Sastavni element lanca finansijskog izvještavanja
Predstavljanje izvještaja grupe za monitoring	
Paralelne sesije	Mala i srednja preduzeća (MSP) - Finansiranje na globalnom tržištu - Ima li prostora za poboljšanja?
	Agenda Odbora za međunarodne standarde revizije i standarde za potvrđivanje (IAASB)
	Okvir upravljanja preduzećem - Možemo li sebi priuštiti rizik promjena?
	Nadzorni odbori: Globalno iskustvo i učenje
	Prilagođavanje: Perspektiva regulatornog tijela
	Borba protiv korupcije i pranja novca - Trenutna uloga računovodstvene struke

	Oblikovanje naredne generacije računovođa
Paralelne sesije	Izgradnja kapaciteta za profesionalne računovođe u sektoru malog i srednjeg poduzetništva (SMPS): IFAC-ove inicijative
	Računovodstvo u javnom sektoru: Prevladavanje problema i izazova
	Upravljanje rizicima i interna kontrola - Da li je usklađivanje troškova važnije od potencijalne dobiti?
	Sušтина kvaliteta revizije
	Kvaliteta poslovnog izvještavanja za donošenje odluka - Najbolje prakse
	XBRL - Jezik poslovne komunikacije finansijskih podataka - Noviteti
	Izveštaj o klimatskim promjenama - Spašavanje Zemlje
Paralelne sesije	Usluge revizije i prikupljanja podataka 2011.
	Međunarodni obrazovni standardi - Očuvanje relevantnosti u budućem periodu
	Globalno integrirana poduzetnost - Poslovanje bez granica
	Program usklađenosti tijela članica IFAC-a - Kako radi?
	Računovodstvo fer vrijednosti - Ovlašteni procjenitelji u lancu korporativnog izvještavanja
	Korporativna odgovornost - U susret očekivanjima interesnih grupa
	Otpornost islamskih finansija na globalni kolaps
Paralelne sesije	Uloga računovođa uključenih u sektor malog i srednjeg poduzetništva u pružanju usluga poslovne podrške
	Međunarodni odbor za etičke standarde (IESBA) - Usvajanje novog etičkog kodeksa
	Utjecaj šerijatskih principa na računovodstvene metode za islamske banke
	Funkcija nacionalnih kreatora standarda u međunarodnom okruženju - Da li je izgubljena primjenljivost?
	Forenzičko računovodstvo: Izazovi u digitalnom okruženju
	Istraživačke aktivnosti kao podrška tijelima za uspostavu standarda